

Broj: 3003-4/21

Datum: 05.04.2021. godine

**SKUPŠTINA KANTONA SARAJEVO**  
N/R Elvedina Okerića, predsjedavajućeg  
Ulica Reisa Džemaludina Čauševića 1  
71000 Sarajevo

Ministarstvo zdravstva  
Federacije Bosne i Hercegovine  
KANTON SARAJEVO

PRIMLJENO	07-04-2021	Broj priloga
Organizacija		
01	04	6550-216

Na broj: 01-04-6550-33/21

**PREDMET:** Odgovor na zastupničko pitanje – veza: Vaš Akt, broj: 01-04-6550-33/21  
od 03.03.2021. godine, dostavlja se -

Poštovani,

Dana 16.03.2021. godine, pod brojem: 3003/21, zaprimili smo Vaš akt, broj i datum gornji, koji se odnosi na zastupničko pitanje Danijele Kristić, zastupnice u Skupštini Kantona Sarajevo, i to:

1. Da li je nabavljena oprema potrebna za uvođenje neonatalnog skrininga sluha po otpustu iz porodilišta?
2. Da li je educirano osoblje?
3. Da li naša Ustanova radi neonatalni skrining sluha za svu novorođenčad prilikom otpusta iz Bolnice?

Vezano za gore navedena pitanja, obavještavamo Vas sljedeće:

- U aprilu 2019. godine predstavnici Udruženja EHO su se obratili našoj Ustanovi za pomoć u realizaciji projekta „Novorođenački slušni skrining“. Naša Ustanova je prihvatila da učestvuje u realizaciji predmetnog projekta, koji je od strane Udruženja bio upućen Skupštini Kantona Sarajevo i Ministarstvu zdravstva Kantona Sarajevo, te je isti, prema navodima članova Udruženja, odbijen. U oktobru 2019. godine naša Ustanova je formirala Odjeljenje za pedijatriju, kojom prilikom je ponovo pokrenuta ideja realizacije projekta. Upravni odbor Bolnice je odobrio sredstva za realizaciju projekta, te je nabavka opreme potrebne za realizaciju istog uvrštena u Plan javnih nabavki za 2020. godinu i isti je trebao biti realizovan početkom 2021. godine. Međutim, u martu 2020. godine proglašeno je stanje nesreće na području Federacije BiH uzrokovano pojavom koronavirusa (COVID-19) i teškim epidemiološkim stanjem sa kojim se suočila, i još uvijek suočava i naša Ustanova već duže od godinu dana, a koje iziskuje velike napore, pun kapacitet rada i velike finansijske izdatke.  
Od početka pandemije COVID-19, naša Ustanova nije bila u mogućnosti realizovati predmetnu nabavku kako je planirano, obzirom da su sva finansijska sredstva preusmjerena na liječenje pacijenata zaraženih virusom COVID-19, u smislu nabavke lijekova, zaštitne opreme i drugih sredstava neophodnih za sprječavanje širenja zaraze COVID-19.

Naša Ustanova je nabavku opreme za realizaciju projekta uvrstila u Plan javnih nabavki za 2021. godinu, te uzevši u obzir da predmetna nabavka predstavlja kapitalna ulaganja za koja nisu obezbijedena finansijska sredstva, naša Ustanova će uložiti sve napore da iznađe potrebna sredstva koja će omogućiti planiranu nabavku i realizaciju predmetnog projekta.

- Zbog prilično loše epidemiološke situacije koja je obuhvatila sve segmente društva, nisu bili organizovani seminari i stručne edukacije, te samim time i naša Ustanova nije bila u mogućnosti pristupiti postupku edukacije osoblja za neonatalni skrining sluha.
- Naša Ustanova trenutno nije u mogućnosti raditi neonatalni skrining sluha za svu novorođenčad prilikom otpusta iz Bolnice, obzirom da ne posjedujemo potrebnu opremu i da nije izvršena edukacija osoblja, kako smo prethodno i obrazložili. Obzirom da shvatamo značaj realizacije i neophodnost uvođenja neonatalnog skrininga sluha, naša Ustanova će u narednom periodu uložiti dodatne napore kako bismo realizovali ovaj vrlo značajan projekat.


S poštovanjem,

Pripremila:

Aldijana Ećo, BA prava  
referent za radno – pravne odnose

Kontrolisala:

Senada Sitnić, dipl.iur, šef Odjeljenja  
za pravne, kadrovske i opće poslove



Dostaviti:

- Naslovu
- Odjeljenje za pravne, kadrovske i opće poslove
- A/a